

Tämä oon Unioni



UNIONEN

Ruottin suuriin ammattiliitto privatissa työelämässä

Unioni on Ruottin suuriin ammattiliitto ja sillä on 700 000 jäsentä. Meän jäseniä on joka paikassa niin suurissa kansanvälisissä konsöörinissä ko pienissä yrityksissä ja iteällissä organisasuunissa ja föreninkissä. Monessa työpaikassa on paikallinen organisasuuni ammattilisen klypin kautta elikkä luottamusvalikoittuja jäseniä jotka on innostunheet heän kolekoitten ja työpaikan turvasta ja kehityksestä. Met uskoma kaikitten voimitten kokoamisheen työpaikala samassa liitossa. Met uskoma yhtheisheen työhöön.

Jäsenet Unionissa

Kaikki virkailiat työpaikala ja koko privatissa työelämässä saattavat olla jäseniä Unionissa riippumatta virkaa, koulutusta elikkä palkkaa. Esimerkiksi monet johtajat on jäseniä ja suurela osala jäsenistä on korkeakoulu- elikkä yniversiteetikoulutus.

Meän töissäolevitten jäsenitten lisäksi Unioni toivottaa kansa opiskelioita ja omayrittäjiä tervetulleiksi.

Jokku tavaliset ammatit Unionin jäsenillä on projektijohtaja, insinööri, atministratööri, ekonomii, it-konsyltti, teknikkeri, komynikatööri, johtaja, myyjä ja niin poispäin.

Oikeus ette organiseerata itteä ammattijärjestölisesti Ruottissa.

Ruottalaisela työmarkkinalla sulla on oikeus olla jäsen siinä ammattilaisessa organisasuunissa joka sie tykkääät parritten saattaa eustaa sinun innostuksia sinun työpaikala. Työnantaja ei saa milhään laila estää sinua organiseeraintumasta ammattilaisesti ko se on sinun oikeus ruottalaisessa laissa.

Suuriin osa kaikista työläisistä Ruottissa on jäsenet yhdessä ammattiliitossa. Ylheisesti olosuhheet ammattilissitten organisasuunitten ja niitten vastapuolitten välissä on hyvät koska se muun muassa on molemitten innostuksessa ette niin monet ko maholista on organiseeraintunheet ette sitä saattaa eustaa kaikkia ko sitä neuvottellee ja soppii jostaki.



Ruottalainen malli kolektiivisopimuksitten kansa

Kolektiivisopimus oon perusta "ruottalaisessa mallissa" jossako ynikit ehot säätävät joka alan ja jotako ammattiliset organisasuunit ja työnantajaorganisasuunit hoitavat yhdessä. Itte pelisäänot sopimuksille oon työlakisääntänössä mutta muuten poliittinen mailma ei sekkainu hallintoon ja kolektiivisopimuksitten kehityksheen. Tämä malli yhistäää niin fleksiipiliteettiä ko ynikkiä alansovitetuja ehtoja yrityksille niin ette työläisilä työmarkkinalla oon turvalisuus ja vaikutusvalta.

Kolektiivisopimus – hyvä perusturva

Kolektiivisopimus oon vapaaehtonen sopimus sinun ehoista ja oikeuksista työpaikala, työnantajan ja sen ammattiliiton välissä joka organiseeraa työntekijöitä työpaikala. Kolektiivisopimuksen kiitokseksi oon hyvä perusturva joka muun muassa antaa oikeuen jokavuotisheen palkannoushuun, sääntöjä työajasta ja työmallista, ekstra korvausta vanheempainleetinä elikkä pitkänajan-saihrautenna, yks markkinan parrimista pansuunivakkuuksista (ITP) ja oikeuen informasuuhniin ja vaikutusvaltaan jnp. Suunile 8:lla kymmenestä jäsenestä Unionissa oon kolektiivisopimus heän työpaikala ja Unionilla oon likemäksi 100 eri kolektiivisopimusta. Sopimus oon Unionin kaikkiihin tärkein työkalu ette varmistaa turvaa ja vaikutusvaltaa kaikile töissä.

Unioni työpaikala

Töissä oon tieto, innostus, ilo ja halu ette muuttaa ja kehittäää työehtoja. Unionissa meillä oon suunile 30 000 luottamusvalikoittua (jäseniä joilako oon ammattilinen tehtävä) jotka halvaavat tehä eroa niin ittelensä ko heän työkaverille työpaikala.

Yhdessä met veämä meän kysymyksiä ytheistoiminassa ja neuvotteluissa työnantajan kansa.

Unioni Ruottissa

Unioniin kuuluu 18 rekiuunia, Unioni Norrbottenista pohjosessa Unioni Louhnaasheen Eteläruottissa. Joka rekiuunissa oon kontturi, joskus usseite. Se tarkoittaa ette met olema likelä jos työpaikat rekiuunissa tarttevat tukea vississä ammattilississä kysymyksissä. Usseimat rekiuunit järjestävät niin kursia, koulutuksia ja aktiveettiä itte ja net oon usseimiten ilmaisia.

Meän jäsenyys

Unionin pyrkimys oon ette olla saatavanna sulle joka olet jäsen niin myötälheellä ko vastalheela työelämässä Met tarjoama jäsenyyttä jossako oon palveluja ja etuja jotka antavat sulle turvaa, kehitystä ja voimaa ette vaikuttaa sinun työelämähään, riippumatta onko sulla työ, haet työtä, tulet johtajaksi, alat omayrityksen elikkä opiskelet. Lue lissää Unionista ja meän jäsenyydestä osotheela: unionen.se

Älä unhouta A-kassaa!

Ko sie olet jäsen a-kassassa niin sie saatat saaja korvauksen jos sie menetät sinun työn. Sie saat korvauksen joka perustuu sinun entisheen tiliihin siirtymäperiuutina. A-kassa ja ammattilinen organisasuuni oon eri organisasuunit. Jäsenyys Unionin a-kassassa elikkä muussa a-kassassa ei automaattisesti tarkoita jäsenyyttä ammattiliitossa Unionen ja toisinpäin.

Lue lissää <https://hejakassa.se/other-languages/>



UNIONEN

RUOTTIN SUURIIN AMMATTILIITTO

Meile kaikki virkailiat privatissa työelämässä oon tervetulheita, riippumatta koulutusta ja virkaa.

Sie löytät monta johtajia meän jäsenistä ja sitä paitti niin omayrittäjiä ko opiskelioita. Meän visuni oon ette yhdessä lua **menestystä, turvaa ja iloa** työelämässä.